



ПОСЛЕДОВАНИЕ СВЯТАГО ЕЛЕЯ

певаемое от седми священников,
собравшихся в церкви.

Поставляется столец, на немже блюдо со пшеницею, и верху пшеницы кандило праздное*, окрест же пшеницы водружают во пшеницу семь струец, обвитых бумагою** к помазанию, и святое Евангелие; и даются священником всем свечи.

Ставшие же окрест стола, облечени вси в фелони; возьмет первый священник кадильницу с фимиамом, и кадит окрест стола елей на нем суший, и всю Церковь, и люди; и став пред столом, зря к востоком, начинает глаголя:

Благословен Бог наш всегда, ныне и присно, и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святыи Боже, Святыи Крепкий, Святыи Безсмертный, помилуй нас. (Трижды)

Слава Отцу и Сыну и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. (3) Слава, и ныне:

Отче наш, Иже еси на небесех! Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и Слава, Отца и Сына и Святаго Духа, ныне и присно и во веки веков.

Чтец: Аминь. Господи, помилуй. (12) Слава, и ныне:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

*Пустая лампада.

**Хлопчатобумажная вата.

И псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе рuce мой: душа моя яко земля безводная Тебе. Скоро услыши мя, Господи, исчезе дух мой; не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь, вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой; Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя, и погубиши вся, стужающия души моей, яко аз раб Твой есмь.

Слава, и ныне: Аллилуия, аллилуия, аллилуия, слава Тебе, Боже. (3)

Диакон же глаголет ектению малую: Паки и паки:

Лик: Господи, помилуй. (на каждое прошение)

Священник: Яко подобает Тебе всякая слава, честь и поклонение, Отцу и Сыну и Святому Духу, ныне и присно, и во веки веков.

Лик: Аминь.

Диакон: Аллилуия, глас 6:

Лик: Аллилуия: (Трижды, и на кийждо стих):

Стих 1: Господи, да не яростию Твоею обличиши мене, ниже гневом Твоим накажеш мене.

Стих 2: Помилуй мя, Господи, яко немощен есмь.

Таже тропари:

Помилуй нас, Господи, помилуй нас; / всякаго бо ответа недоумеюще, / сию Ти молитву яко Владыце // грешнии приносим: помилуй нас.

Слава: Гóсподи, помíлуй нас,/ на Тя бо упováхом,/ не прогнéвайся на ны зелó,/ ниже помяни́ беззакóний на́ших,/ но прízри и ны́не я́ко благоутрóбен,/ и избáви ны от враг на́ших:/ Ты бо еси́ Бог наш,/ и мы лю́дие Твои́,/ вси дела́ руку́ Твоею, // и и́мя Твое́ призывáем.

И ны́не: Милосéрдия двéри отвéрзи нам,/ благословéнная Богорóдице,/ надéющиися на Тя да не погíбнем,/ но да избáвимся Тобóю от бед:/ Ты бо еси́ спасéние // рóда христиáнского.

Посем псалом 50:

Помíлуй мя, Бóже, по вели́цей мíлости Твое́й, и по мно́жеству щед-ро́т Твои́х очíсти беззакóние моё. Наипáче омýй мя от беззакóния моего́, и от грехá моего́ очíсти мя. Я́ко беззакóние моё аз зная́ю, и грех мой прéдо мно́ю есть вýну. Тебе́ еди́ному согрешíх и лука́вое пред Тобóю сотвори́х, я́ко да оправди́шия во словесéх Твои́х и победи́ши, внегда́ суди́ти Ти. Се бо, в беззакóнных зачат есмь, и во гресéх роди́ мя ма́ти моя́. Се бо, и́стину возлюбил еси́, безвéстная и та́йная премýдрости Твоея́ явил ми еси́. Окропи́ши мя иссо́пом, и очíщуся, омýеши мя, и пáче снéга убелю́ся. Слýху моему́ да́си ра́дость и весéлие, возра́дуются кóсти смире́нныя. Отврати́ лице́ Твое́ от грех мои́х и вся беззакóния моя́ очíсти. Сéрдце чíсто сози́жди во мне, Бóже, и дух прав обнови́ во утрóбе мое́й. Не отвéржи мене́ от лица́ Твоего́, и Дýха Твоего́ Свята́го не отыми́ от мене́. Возда́ждь ми ра́дость спасéния Твоего́, и Дýхом Влады́чним утверди́ мя. Научу́ беззакóнныя путём Твои́м, и нечестíвии к Тебе́ обратят́ся. Избáви мя от кровéй, Бóже, Бóже спасéния моего́, возра́дуется язы́к мой правде Твое́й. Гóсподи, устне́ мои́ отвéрзеши, и уста́ моя́ возвестя́т хвалу́ Твою́. Я́ко а́ще бы восхотéл еси́ жéртвы, дал бых úбо: всесожжéния не благоволи́ши. Жéртва Бóгу - дух сокрушён; сéрдце сокрушённо и смире́нно Бог не уничи́жит. Ублажи́, Гóсподи, благово́лением Твои́м Сиóна, и да сози́ждутся стéны Иерусали́мския. Тогда́ благоволи́ши жéртву правды, возно́шение и всесожи́гаемая; тогда́ возложáт на олта́рь Твой тельцы́.

И канон, (егоже краестрочие: Молитва елея, пение Арсениево), глас 4:

Песнь 1

Ирмос: Мóря чермнóю пучíну,/ невла́жными стопáми,/ дрéвний пешешéствовав Изра́иль,/ крестообра́зныма Моисéовы-ма рука́ма, // Амали́кову си́лу в пусты́ни победи́л есть.

Припев: Помíлуй мя, Гóсподи, я́ко нéмощен есмь.

Елéем благоутрóбия, Влады́ко, утешáяй прíсно дýши, кúпно и телеса́ челове́ческая, и храня́й елéем вéрныя; Сам и ны́не уще́дри елéем приступа́ющия к Тебе́.

Твоея мѣлости, Владыко, полна́ есть вся земля; тѣмже елѣем Божѣственным Твоѣм честным помазу́еми днесь, ѣже паче ума Твоѣй мѣлости, вѣрно просим Тя, податися нам.

Слава: Пома́зание священное Твоѣ, Человеколю́бче, апосто́лом Твоѣм на немощствую́щия рабы́ Твоя́ соверша́ти мѣлостивно заповѣда́вый, тех мольба́ми вся печатію Твоєю поми́луй.

И ныне: Еди́на ми́ра пучи́ну Чи́стая ро́ждшая, я́же к Бо́гу моли́твами Твоѣми прѣсно, недуго́в и скорбе́й Твоя́ рабы́ изба́ви; я́ко да непреста́нно возвели́чат Тя.

Песнь 3

Ирмос: Веселі́тся о Тебе́ Це́рковь Твоя́, Христе́, зову́щи:/ Ты моя́ кре́пость, Го́споди, // и прибѣжище и утвержде́ние.

Ты Еди́н сый дѣвнѣй в челове́цах вѣрных, мѣлостивѣй, боля́щим лю́те, даждь, Христе́, благода́ть Твою́ свѣше.

Елѣйный суче́ц иногда́, ко умале́нию пото́па, Божѣственным Твоѣм показавѣй мановѣнием, Го́споди, спаси́ мѣлостію стражду́щия.

Слава: Свеще́ю Божѣственнаго свѣта, в мѣлости Твоѣй, Христе́, просвети́ пома́занием, и ны́не вѣрою к мѣлости Твоѣй тща́щияся.

И ныне: При́зри благоприя́тно, Ма́ти всех Творца́, свѣше, и го́рькое озлобле́ние разреши́ недугую́щия, моли́твами Твоѣми.

Седален, глас 8.

Подобен: Па́стырская свирель:

Яко Божѣственная река́ мѣлости сый, я́ко бездна мно́гаго мило́сѣрдия, Ще́дре, покажи́ Твоея́ мѣлости Божѣственныя стру́и, и всех исцели́, источи́ чудес исто́чники незавѣстно, и омы́й всех: к Тебе́ бо прѣсно притека́юще, тѣпле благода́ть испроша́ем.

Другий, глас 4:

Подобен: Вознесѣйся:

Врачу́ и Помо́щниче сущих в болѣзнях, Изба́вителю же и Спа́се сущих в недугѣх, Сам всех Влады́ко и Го́споди, да́руй исцелѣние недугую́щим рабо́м Твоѣм, ущѣдри, поми́луй многопрегрѣшившія, и прегрѣше́ний изба́ви, Христе́, я́ко да сла́вят Бо́жественную си́лу Твою́.

Песнь 4

Ирмос: Вознесѣ́на Тя ви́девши Це́рковь на Кресте́,/ Со́лнце Пра́ведное,/ ста в чи́не своѣм,/ досто́йно зыва́ющи:// сла́ва си́ле Твоѣй, Го́споди.

Яко нетлѣнное міро, Спасе, сый, истощившееся Твоею благодатию, и мир очищающее, ущѣдри и помилуй, Божественне, верою, струпы телесныя помазующия.

Тихостию печати Твоея милости, ныне чувства, Владыко, знаменав Твоих рабов, непроходим, неприступен вход сотвори всем сопротивным силам.

Слава: Призывати повелеваяй немощствующим, священнодействители Божественныя Твоя, и сих молитвою и помазанием елея Твоего, Человеколюбче, спасатися, спаси Твоею милостию страждущия.

И ныне: Богородице Приснодево Пресвятая, Покрове Крепкий и Хранительнице, Пристанище же и Стено, Лествице и Предградие, помилуй, ущѣдри болящия, к Тебе бо и единой прибегахом.

Песнь 5

Ирмос: Ты, Господи, мой Свет, / в мир пришел еси, / Свет Святыи, обращаи / из мрачна невѣдения // верою воспевающия Тя.

Сый, Блаже, милости бездна, помилуй, Милостиве, Твоею Божественною милостию страждущия, яко благоутробен.

Души наша, Христе, и телеса, свыше печати Твоея Божественным воображением, освятив несказанно, рукою Твоею всех исцели.

Слава: Неизреченною Твоею любовью, Преблагий Господи, приимый блудницею сущее от мира помазание, ущѣдри рабы Твоя.

И ныне: Всепетая, Чистая, Преблагая Владычице, помилуй Божественным помазующихся елеем, и спаси рабы Твоя.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих // истекшею кровию.

Словесы Твоими, елеем показавый, Человеколюбче, в царех помазание, и архиереи сие совершивый: печатию Твоею и страждущия спаси, яко благоутробен.

Приобщение да не от горьких бесов прикоснется, помазанием Божественным знаменаным, Спасе, чувства; но покровом обстени* сих славы Твоея.

Слава: Подаждь руку Твою с высоты, Человеколюбче, и Твой елей, Спасе, освятив подаждь рабам Твоим на здравие, и недугов всех на избавление.

И ныне: Явилася еси в Божественном Твоем храме плодovitая, Мати Творца, маслина, Еюже исполнен явился мир милости; темже спасай молитвами осязания Твоего страждущих.

Кондак, глас 2.

Подобен: Вышних ища:

Милости Источник сый Преблагий, / верою теплою к милости неизреченной Твоей припадающия, Благоутробне, / от всякаго избави озлобления, / и тех недуги возьмем, // подаждь Божественную благодать свыше.

Песнь 7

Ирмос: В пещи авраамстии / отроцы персидстей, / любовьию благочестия паче, / нежели пламенем, опаляеми, взываху: // благословен еси в храме славы Твоея, Господи.

Ты в милости и щедротах Твоих, Спасе, Еди́не Бо́же, всех исцеляяй, страсти же душевныя, и телесная сокрушения, и сия в недугех страждущия Сам исцеляяй уврачу́й.

Внегда помазатися елеем помазания всех главам, подаждь сим веселия радость, милость ищущим Твоего избавления, Христэ, богатою Твоею милостию, даруя, Господи.

Слава: Меч есть над демоны, Спасе, Твоя печать; огонь же поपालяяй страсти душевныя, священников мольбы. Темже верно поем Тя, приемлющии исцеление.

И ныне: Ты Держащаго горстию вся, Мати Божия, внутрь во чреве приемши боголепно, и неизреченно воплотивши, о страждущих умилостивити Сего просим.

Песнь 8

Ирмос: Руце распостер Даниил, / львов зияния в рове затче; / огненную же силу угасиша, / добродетелию препоясавшися, / благочестия рачители, / отроцы взывающе: // благословите, вся дела Господня, Господа.

Вся помилуй, Спасе, по велицей Твоей и Божественной милости; сего ради собрахомся вси, тайно вообразующе щедрот Твоих приклонение, помазание приносяще елеем, верою Твоим рабом, ихже и посети.

Струями милости Твоея, Христэ, и помазании священников Твоих, омый яко благоутробен, Господи, болезни и озлобление, и болезней нашествия, в нуждах страстей мучимыя, яко да славят Тя спасшиися благодарственно.

* защити, оградя

Слава: Зна́мение е́же свѣше приклонѣния и тѣхости, мѣлость Божѣственную нам припису́ющим, Влады́ко, не удали́ Твоея́ мѣлости, ниже́ прѣзри ве́рою прѣсно зову́щия: благослови́те, вся дела́ Господня́, Го́спода.

И ныне: Пресла́вное я́ко венѣц, Чи́стая, естество́ прия́т, Божѣственное Твое́ Рождество́, враго́в сокруша́ющее ополчѣния, и побежда́ющее держа́вно тех; сего́ ра́ди благодáтей Твои́х радостными венча́емыми светлостью́, Тебе́ воспева́ем, Препѣтая Влады́чице.

Песнь 9

Ирмос: Ка́мень неруко́сѣчный/ от несекóмыя горы́, Тебе́, Дѣво,/ краеуго́льный отсечѣся,/ Христóс, совокупѣвый разстоя́щаяся естества́.// Тем, веселя́щися, Тя, Богороди́це, велича́ем.

При́зри с небесе́, Ще́дре, покажи́ Твою́ мѣлость всем, даждь ны́не заступлѣние Твое́, и крѣпость Твою́ приступа́ющим к Тебе́, Божѣственным пома́занием священников Твои́х, Человеколю́бче.

Ви́дехом, Преблагѣ́й Спа́се, раду́ющися Божѣственный елѣ́й приклонѣнием Твои́м Божѣственным па́че причáстников, егóже прия́л еси́, и изобразительно препóдал еси́, ба́ни Божѣственныя причаща́ющимся.

Слава: Ущѣ́дри, помѣлуй, Спа́се, изба́ви от лю́тых, и болѣзней; изба́ви от стрел лука́ваго Твои́х рабо́в ду́ши и телеса́, я́ко мѣлостивый Господь, пома́занием Божѣственным исцелева́яй.

И ныне: Пѣ́ния и мольбы́, Дѣво, приѣмлющи Твои́х рабо́в, изба́ви лю́тых страсте́й и болѣзней, моли́твами Твои́ми, на́ми, Пречѣ́стая, Божѣственному Твое́му кро́ву притека́ющия.

Досто́йно е́сть, я́ко вои́стинну,/ блажи́ти Тя, Богороди́цу,/ Присноблаже́нную и Пренепоро́чную,/ и Ма́терь Бо́га на́шего./ Честне́йшую Херувѣ́м/ и сла́внейшую без сравне́ния Серафѣ́м,/ без ислѣ́ния Бо́га Сло́ва ро́ждшую,// су́щую Богороди́цу Тя велича́ем.

Ексапостиларий

Подобен: Посетѣ́л ны е́сть:

В мѣлости, Бла́же, при́зри Твои́м о́ком на молѣ́ние нас, сше́дшихся в храм Твой святы́й днесь, пома́зати Божѣственным елѣ́ем недугу́ющия рабы́ Твоя́.

Таже стихиры, глас 4:

Подобен: Дал еси́ зна́мение:

Дал еси́ благодáть Твою́,/ Твои́ми, Благопре́менителю, апо́столы, Человеколю́бче,/ елѣ́ем святы́м Твои́м целѣ́ти всех я́звы же и недуги́;/ те́мже к елѣ́ю Твое́му ве́рно приступа́ющия,/

и ны́не, я́ко благоутро́бен, / освяти́, поми́луй, от вся́каго недúга очисти́, // и пи́щи нетлénныя Твоея́ сподóби, Гóсподи.

При́зри, Непостижи́ме, с небесé, / я́ко благоутро́бен, / руко́ю невидимою Твоею́ зна́менав, Человеколю́бче, на́ша чу́вства, / елеем Твои́м Божéственным, / притека́ющим к Тебé вёрно, / и прося́щим прегрешéний оставлénие дáруй, / и исцелénие душáм и телесéм, / да любóвию прослáвят Тя, // величáя держáву Твою́.

Помáзанием елéя Твоегó, / и священников, Человеколю́бче, осызáнием / рабы́ Твоя́ освяти́ свýше, / недúгов свободи́, душéвныя же сквёрны очисти́, / омый, Спáсе, и многоплетéнных соблáзнов избáви; / болéзни ути́ши, обстоя́ние отжени́ и скóрби потреби́, // я́ко щедр и благоутро́бен.

Слава и ныне, Богородичен:

Тебé чистéйшую Царéву Палáту / молю́, Многопéтая, / ум мой очисти́ осквернénный вся́кими грехáми, / и жили́ще красное Пребожéственныя Трóицы сотвори́, / я́ко да síлу Твою́ и безмёрную мило́сть величáем спаса́емии, // непотрéбнии раби́ Твои.

Таже, Трисвятое: Возглас: Я́ко Твоé есть Цáрство:

Таже тропарь, глас 4:

Скóрый в заступлénии еди́н сый, Христé, / скóрое свýше покажи́ посещение́ стра́ждущим рабóм Твои́м, / избáви недúгов, и горьких болéзней; / воздвигни во éже пéти Тя и слáвити непрестáнно, // моли́твами Богорóдицы, Еди́не Человеколю́бче.

По сих же диакон, или первый от священников, ектению сию:

Миром Гóсподу помóлимся.

Лик: Гóсподи, поми́луй. (и на каждое прошение)

О свýшнем мýре и спасéнии душ на́ших, Гóсподу помóлимся.

О мýре всего́ мýра, благостоя́нии Святы́х Бóжиих Церквéй и соединénии всех, Гóсподу помóлимся.

О святém хра́ме сем, и с véрою, благоговéнием и страхóм Бóжиим входя́щих вонь, Гóсподу помóлимся.

О éже благословитися елéю сему́ síлою и дéйством и най́тием Свята́го Дýха, Гóсподу помóлимся.

О рабéх Бóжиих (имярек), и о éже в Бóзе посещéнии их, и éже приити́ на них благодáти Свята́го Дýха, Гóсподу помóлимся.

О еже избáвиться им и нам от всякíа скóрби, гнéва и нúжды, Гóсподу помóлимся.

Заступí, спасí, помíлуй, и сохрани их и нас, Бóже, Твоею благодáтию.

Пресвятúю, Пречíстую, Преблагословéнную, Слáвную Влады́чицу нáшу Богородицу и Приснодéву Марию, со все́ми святы́ми помяну́вше, са́ми себе́, и друг дру́га, и весь живóт наш Христу́ Бóгу предад́им.

Лик: Тебе́, Гóсподи.

Таже глаголет первый от священников молитву елея над кандилом.

Ведомо буди, яко в велицей Церкви, вместо воды, вино в кандило молитвомаслия влагают.

Диакон: Гóсподу помóлимся.

Лик: Гóсподи, помíлуй.

Священник молитву:

Гóсподи, мíлостию и щедрóтами Тво́ими исцеля́яй сокруше́ния душ и телéс нáших, Сам, Влады́ко, освяти́ елей сей; я́коже бы́ти помазу́ющимся от него́ во исцелéние, и в премене́ние всякíа стра́сти, сквэрны плóти и Дúха, и всякаго зла; да и в сих прослáвится Твое́ Пресвятóе Имя, Отца́ и Сы́на и Свята́го Дúха, ны́не и прíсно, и во ве́ки веко́в, ами́нь.

Священницы же прочии тихо купно с ним чтут молитву туюжде.

Во елико же глаголется молитва от священников, поются тропари сия:

Глас 4:

Скóрый в заступлénии ед́ин сый, Христé,/ скóрое свы́ше покажи́ посéщение стра́ждущим рабóм Тво́им,/ избáви недúгов, и гóрьких болéзней;/ воздв́гни во éже пéти Тя и слáвити непрестáнно,// моли́твами Богородицы, Ед́ине Человеколóбче.

Глас тойже:

Душе́вныма оч́има ослеплén,/ к Тебе́, Христé, прихождú,/ я́коже слепы́й от рожде́ния,/ в покая́нии зовú Тебе́:// мíлостив нам б́уди, Ед́ине Благопремене́телю.

Глас 3:

Дúшу мою́, Гóсподи, во гресéх вся́ческих,/ и безме́стными дея́ньми лю́те разсла́бленную,/ воздв́гни Божéственным Тво́им предста́тельством,/ я́коже и разсла́бленнаго воздв́гл еси́ дрéвле,/ да зовú Ти спаса́ем:// ще́дрый, даждь ми, Христé, исцелéние.

Глас 2:

Яко Господень ученик восприял еси праведне Евангелие;/
яко мученик имаши еже неописанное, дерзновение,/ яко брат
Божий;/ еже молитися, яко иерарх./ Моли Христа Бога, // спа-
стися душам нашим.

Глас 4:

Отчее единородное Бог Слово,/ пришедшее к нам в пос-
ледняя дни,/ Иакове Божественне,/ первого ты показá Иеру-
салимляном пастыря и учителя,/ и верного строителя/ таинств
духовных; // темже ты вси чтим, апостоле.

Глас 3:

В Мирех, святе, священнодействитель показáлся еси:/
Христово бо, преподобне, Евангелие исполнив,/ положил еси
душу твою о людех твоих,/ и спасл еси неповинныя от смерти;/
сего ради освятился еси, // яко великий таинник Божия благодати.

Глас тойже:

Велика обрете в бедах/ ты поборника вселенная, страс-
тотерпче,/ языки побеждающая;/ якоже убо Лиеву низложил
еси гордыню,/ и на подвиг дерзновенна сотворив Нестора;/
также, святе Димитрие,/ Христу Богу молися, // даровати нам
велию милость.

Глас тойже:

Стратотерпче святыи и целбниче Пантелеймоне,/ моли
милостиваго Бога, / да прегрешений оставление // подаст душам
нашим.

Глас 8:

Святии безсребреницы и чудотворцы,/ посетите немощи
наша: // ту не прияте, ту не дадите нам.

Глас 2:

Величия твоя, девственнице, кто повесть;/ точиши бо чу-
деса, и изливаяеши исцеления,/ и молишися о душах наших, //
яко Богослов и друг Христов.

Слава, и ныне, Богородичен:

Моление теплое, и стена неборимая,/ милости источнице,
мирови прибежище,/ прилежно вопием Ти:/ Богородице
Владычице,/ предвари, и от бед избави ны, // Единая вскоре
предстательствующая.

Диакон: Вѣнчнемъ.

Священник первый: Мир всемъ.

Чтец: И дѣху твою.

Диакон: Премудрость, вѣнчнемъ.

Чтец, прокимен, глас 1: Буди, Господи, милость Твоя на нас, / якоже уповахом на Тя.

Стих: Радуйтеся праведнии о Господе, правым подобает похвала.

Диакон: Премудрость. Соборнаго послания Иаковля чтение. (Ведомо же буди, яко апостол от диакона читается) Вѣнчнемъ:


Братие, образ примите злострадания и долготерпения, пророки, иже глаголаша Именем Господним. Се, блажим терпящих. Терпение Иовле слышасте, и кончину Господню увидите, яко многомилостив есть Господь, и щедр. Прже же всех, братие моя, не кленитесь ни небом, ни землею, ни иною кобою клятвою; буди же вам, еже ей, ей, и еже ни, ни; да не в лицемerie впадете. Злостраждет ли кто в вас? да молитву деет. Благодущствует ли кто? да поет. Болит ли кто в вас? да призовет пресвитеры церковныя, и да молитву сотворят над ним, помазавше его елеем во Имя Господне. И молитва веры спасет болящаго, и воздвигнет его Господь, и аще грехи сотворил есть, отпустятся ему. Исповедайте убо друг другу согрешения, и молитесь друг за друга, яко да исцелете: много бо может молитва праведнаго спешествуема.

Священник первый: Мир ти.

Диакон: И дѣху твою.

Священник: Премудрость, вѣнчнемъ.

Диакон: Аллилуия, глас 8.



Стих: Милость и суд воспою Тебе, Господи.

Диакон: Премудрость, прости, услышим святого Евангелия.

Священник: Мир всем. **Лик:** И духови твоему.

Священник: От Луки святого Евангелия чтение.

Лик: Слава Тебе, Господи, слава Тебе.

Диакон: Вондем.

Во время оно, законник некий приступи ко Иисусу, искушая Его, и глаголя: Учителю, что сотворив живот вечный наследую? Он же рече к нему: в законе что писано есть, како чтещи? Он же отвещав, рече: возлюбиши Господа Бога твоего от всего сердца твоего, и от всея души твоея, и всею крепостию твоею, и всем помышлением твоим; и ближняго своего, яко сам себе. Рече же ему: право отвещал еси: сие сотвори, и жив будещи. Он же хотя оправдитися сам, рече ко Иисусу: и кто есть ближний мой? Отвещав же Иисус, рече: человек некий схождаше от Иерусалима во Иерихон, и в разбойники впаде, иже совлекше его и язвы возложше отыдоша, оставльше едва жива суща. По случаю же священник некий схождаше путем тем, и видев его, мимоиде. Такожде же и левит, быв на том месте, пришед и видев, мимоиде. Самарянин же некто грядый, прииде над него, и видев его милосердова; и приступль обвяза струпы его, возливая масло и вино; всадив же его на свой скот, привеле его в гостинницу и прилежа ему. И наутрия изшед, изъемь два сребреника, даде гостиннику, и рече ему: прилежи ему, и еже аще прииждивещи, аз, егда возвращуся, воздам ти. Кто убо от тех трех ближний мнит ти ся быти впадшему в разбойники? Он же рече: сотворивый милость с ним. Рече же ему Иисус: иди, и ты твори такожде.

Лик: Слава Тебе, Господи, слава Тебе.

Таже диакон глаголет ектению:

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. **(Трижды, на каждое прошение)**

Еще молимся о милости, жизни, мире, здравии, спасении, посещении и оставлении грехов рабов Божиих (имярек).

О еже простітисѣ имъ всякому согрѣшенію, вольному и невольному, Господу помолімся.

И возглас: Яко мѣлостив и Человеколюбецъ Богъ еси, и Тебѣ славу возсылаемъ, Отцу и Сыну и Святому Духу, ныне и присно и во веки вековъ.

Лик: Аминь.

Диакон: Господу помолімся. **Лик:** Господи, помилуй.

Священникъ молитву:

Безначальне, Вѣчне, Святе святыхъ, Единороднаго Твоего Сына низпославый, исцеляющаго всякий недугъ, и всяку язю душ и телес нашихъ, низпосли Святаго Твоего Духа и освяти елей сей, и сотвори и помазующимся Твоимъ рабомъ (имярек), в совершенное избавление греховъ ихъ, в наследіе Царства Небеснаго.

Ведомо буди, яко неции молитву убо сию даже до зде токмо глаголютъ, с возгласіемъ: Твое бо есть еже мѣловати: Неции же даже до конца глаголютъ:

Ты бо еси Богъ велий и дивенъ, храняй заветъ Твой и мѣлость Твою любящимъ Тя, дай избавление греховъ, Святымъ Твоимъ Отрокомъ Иисусомъ Христомъ; Иже омывый насъ отъ грѣха святымъ крещеніемъ, и освятивый Духомъ Святымъ; Иже просветивый слепыя, и исправивый низверженныя, любяй праведныя и грѣшныя мѣлуяй; Иже изведый насъ отъ тмы и сѣни смѣртныя, глаголяй сущимъ во узахъ: изыдите, и сущимъ во тмѣ: открийтеся. Иже возсиявый в сердцахъ нашихъ светъ веденія Егo, отнели же насъ ради на землѣ явилсяъ есть, и съ человеки поживѣ, познавшимъ Тя далъ есть власть чадомъ Божіимъ быти, и непричастны насъ сотворилъ есть отъ насильства діаволя; понеже не благоволилъ еси кровію очисти́тися, но елеемъ святымъ далъ еси образъ Креста Егo очищати́ся, во еже быти намъ стаду Егo, царскому священію, языку Святому. Самъ Владыко Господи, даждь благодать намъ в служеніе Твое сие, якоже далъ еси Моисею уго́днику Твоему, и Самуилу возлюбленному Твоему, и Иоанну избранному Твоему, и всемъ во всякомъ родѣ и родѣ благоугодившимъ Тебѣ; сѣце сотвори и насъ быти служители Новаго Твоего Завета надъ елеемъ симъ, егoже усвоилъ еси Честною Кровію Христа Твоегo; да совлѣкшесѣ мирскихъ похотѣй, умремъ греху, и поживѣмъ правде, облѣкшесѣ в Него помазаніемъ освященія хотящихъ елея навѣстисѣ. Буди, Господи, елей сей, елей радованія, елей освященія, одежда царская, броня силы, всякаго діавольскаго дѣйства отгнаніе, печать ненаветная, радование сердца, веселіе вѣчное. Да и симъ помазующемъ паки рожденія, страшны будутъ сопротивнымъ, и возсияютъ во свѣтлостехъ святыхъ Твоихъ, не имущѣ скверны или враски;* и да приимутся в вѣчная Твоя упокоенія, и восприимутъ почѣсть горняго званія.

* изьяна

Твое́ бо есть, е́же ми́ловати и спаса́ти ны, Бо́же наш: и Тебе́ сла́ву возсыла́ем, со Единоро́дным Твои́м Сы́ном, и Пресвяты́м, и Благи́м, и Животворя́щим Твои́м Ду́хом, ны́не и при́сно, и во ве́ки веко́в, ами́нь.

И по молитве возьмет иерей струец и, омочив его во святыи елей, и помазует болящих крестообразно на челе, на ноздрях, на ланитах, на устех, на персех, на руках на обе стране, глаголя молитву сию:

Отче Святы́й, Врачу́ душ и телес, послáвый Единоро́днаго Твоего́ Сы́на, Го́спода на́шего Иису́са Христа́, всякий недúг исцеля́ющаго, и от сме́рти избавля́ющаго, исцели́ и рабы́ Твоя́ (имярек), от обдержа́щих их телесныя и душе́вныя немо́щи, и оживотвори́ их благода́тию Христа́ Твоего́; моли́твами Пресвяты́я Влады́чицы на́шей Богороди́цы, и Присноде́вы Мари́и; предста́тельствы честны́х Небе́сных Сил Безплотных; си́лою Честна́го и Животворя́щаго Креста́; честна́го и сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апо́столов; святы́х сла́вных, и добропобедных му́чеников; преподо́бных и богоно́сных оте́ц на́ших; святы́х и исцелите́лей безсребре́нников, Космы́ и Дамиána, Ки́ра и Иоáнна, Пантелеи́мона и Ермола́я, Сампсо́на и Диоми́да, Фо́тия и Аники́ты; святы́х и пра́ведных богооте́ц Иоакима́ и Анны, и всех святы́х.

Яко Ты еси́ исто́чник исцелений, Бо́же наш, и Тебе́ сла́ву возсыла́ем, со Единоро́дным Твои́м Сы́ном, и Единосу́щным Твои́м Ду́хом, ны́не и при́сно, и во ве́ки веко́в, ами́нь.

Сия молитва глаголется от единого коегождо священника по еже рещи Евангелие и молитву, помазующаго вкупе елеем недугующаго.

На помазании лик припевает по обычаю:

У - слы - ши ны, Бо - же; у - слы - ши ны, Вла - ды - ко;

у - слы - ши ны, Свя - тый. По - ми - луй ны, Бо - же;

по - ми - луй ны, Вла - ды - ко; по - ми - луй ны, Свя - тый.

Ис - це - ли ны, Бо - же; ис - це - ли ны, Вла - ды - ко;

ис - це - ли ны, Свя - тый.

Диакон: Вѣнчамъ. **Священник второй:** Мир всемъ.

Чтец: И дѣху Твоему.

Диакон: Премудрость, вѣнчамъ.

Чтец, прокимен, глас 2: Крепость моя и пѣние мое Господь, / и бысть мне во спасение.

Крепость моя и пение мое Господь, и бысть мне во спасение.

Стих: Наказуя наказавъ мя Господь, смерти же не предаде мя.

Диакон: Премудрость. **К** римлянском посланія святаго апостола Павла чтеніе. **Вѣнчамъ.**

Братіе, должи есмь мы сильнии немощи немощныхъ носити и не себе угождати. Кійждо же вас ближнему да угождает во благое к созиданію. Ибо и Христосъ не Себе угоди, но якоже есть писано: поношенія поносящихъ Тебе нападоша на Мя. Елика бо преднаписана

бы́ша, в на́ше наказáние преднаписа́шася, да терпéнием и утешéнием писа́ний, упова́ние има́мы. Бог же терпéния и утешéния, да даст вам то́жде му́дрствовати друг ко дру́гу, о Христé Иисúсе; да единоду́шно еди́ными усты́ сла́вите Бо́га и Отца́ Го́спода на́шего Иисúса Христа́. Те́мже приéмлите друг дру́га, я́коже и Христос при́ят вас во сла́ву Бо́жию.

Священник второй: Мир ти. **Диакон:** И дýхови твоemú.

Священник: Премúдрость, вóннем.

Диакон: Аллилу́ия, глас 5.



Стих: Мíлости Твоя́, Го́споди, во век воспою́.

Диакон: Премúдрость, прóсти, услы́шим свята́го Евáнгелия.

Священник: Мир всем. **Лик:** И дýхови твоemú.

Священник: От Луки́ свята́го Евáнгелия чтéние.

Лик: Сла́ва Тебе́, Го́споди, сла́ва Тебе́.

Диакон: Вóннем.

Священник 2-й: Во вре́мя о́но, прии́де Иисúс во Иерихо́н. И се, муж нарица́емый Закхе́й, и сей бе ста́рей мытарéм, и той бе бога́т; и иска́ше ви́дети Иисúса, Кто есть, и не можа́ше от наро́да, я́ко во́зрастом мал бе. И предите́к, возле́зе на я́годичину,* да ви́дит, я́ко хотя́ше ми́мо ея́ прои́ти. И я́ко прии́де на ме́сто, возрeв Иисúс, ви́де его́, и рече́ к нему́: Закхе́е, потща́вся слéзи, днесь бо в дому́ твоeм подобáет Ми бы́ти. И потща́вся слéзе, и при́ят Его́ ра́дуясь. И ви́девшe вси ропта́ху, глаго́люще, я́ко ко грéшну му́жу вни́де витáти. Став же Закхе́й, рече́ ко Го́споду: се, пол имéния моего́, Го́споди, дам ни́щим, и áще когó чим обиде́х, возвра́щу четвери́цею. Рече́ же к нему́ Иисúс: я́ко днесь спасéние до́му сему́ бысть, занé и сей сын Авраáмль есть: прии́де бо Сын Чело́вeчь взыска́ти и спасти́ погíбшаго.

Лик: Сла́ва Тебе́, Го́споди, сла́ва Тебе́.

Таже диакон глаголет ектению: Помíлуй нас, Бо́же:

И возглас: Я́ко мíлостив и Чело́веколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Дýху, ны́не и прíсно, и во ве́ки веко́в.

Лик: Ами́нь.

Диакон: Гóсподу помóлимся. **Лик:** Гóсподи, помилуй.

Священник молитву:

Бóже Великий и Вы́шний, от всея тв́ари покланя́емый, премуд-
рости исто́чнице, бла́гости вои́стинну неизсле́димая б́ездно, и благо-
утрóбия неопределя́емая пучи́но; Сам, Человеколю́бче Влады́ко,
прев́ечных и див́ных Бóже, Егóже никто́же от человек помышля́яй
мо́жет пости́гнути, при́зри, услы́ши нас недостóйных рабо́в Твои́х,
и иде́же о вели́цем Имени Твоём ел́ей сей прино́сим, низпосли́ Твоего́
да́ра исцел́ения, и оставле́ние грехо́в; и исцели́ я во мно́жестве ми́лости
Твоея́. Ей, Гóсподи Благопремени́телю, Еди́не Ми́лостиве и Человеко-
лю́бче, ка́яйся о зло́бах на́ших; ве́дый, я́ко належи́т по́мысл челове́ка
на лука́вая от ю́ности его́; не хотя́й сме́рти грешника, но я́ко обрати́-
ся и живу́ бы́ти ему́; грешных ра́ди спасе́ния вочелове́чивыйся Бог
сый, и созда́выйся за создáние Твое́. Ты еси́ реки́й: не приидо́х при-
зва́ти пра́ведныя, но грешныя в покая́ние; Ты еси́, овча́ взыска́вый
заблуждшее; Ты еси́, поги́бшую дра́хму приле́жно взыска́вый и обре-
тый. Ты еси́ реки́й, я́ко гряду́щаго ко Мне не изжену́ вон; Ты еси́, и́же
блудни́цы честне́и Твои́ но́зе слезáми омочившия не возгнуша́выйся; Ты
еси́ реки́й: ели́жды а́ще падéши, востáни, и спасе́шися; Ты еси́ реки́й,
я́ко ра́дость бывáет на небеси́ о еди́ном грешни́це ка́ющемся. Сам при́зри,
благоутрóбный Влады́ко, с высоты́ святы́я Твоея́, соосени́в нас, греш-
ных и недостóйных рабо́в Твои́х, благода́тию Свята́го Духа в час сей,
и всели́ в рабы́ Твоя́ (**имярек**), позна́вшия своя́ согреш́ения, и присту́-
пльшия к Тебе́ ве́рою; и при́йм Свои́м Ти Человеколю́бием, а́ще что
согреш́или суть сло́вом, или́ д́елом, или́ помышле́нием, простив очисти́
я, и чисти́ сотвори́ от вся́каго греха́, и при́сно спребывáя им, сохрани́
про́чее ле́то живóта их ходя́щих во оправдáниях Твои́х, во е́же не
ктому́ бы́ти им посмея́ние диáволу: я́ко да и в них просла́вится Пре-
свято́е Имя Твое́.

**Твое́ бо есть е́же ми́ловати, и спаса́ти ны, Христé Бóже, и Тебе́
сла́ву возсыла́ем со Безнача́льным Твои́м Отце́м, и Пресвяты́м, и
Благи́м, и Живо́творящим Твои́м Духом, ны́не и при́сно, и во ве́ки
векóв, ами́нь.**

**По молитве же абие второй иерей возьмет струец второй и, омочив и во
Святой елей, помазует болящих, глаголя молитву:**

**Отче Святы́й, Врачу́ душ и телéс, посла́вый Единоро́днаго Твоего́
Сы́на, Гóспода на́шего Иисуса́ Христа́, вся́кий недуг исцеля́ющаго,
и от сме́рти избавля́ющаго, исцели́ и рабы́ Твоя́ (**имярек**), от обдержа́-
щих их телéсныя и душе́вныя нéмощи, и оживотвори́ их благода́тию
Христа́ Твоего́; моли́твами Пресвяты́я Влады́чицы на́шея Богороди́цы,**

* дика́я смоко́вница

и Приснодѣвы Маріи; предстательствы честныхъ Небесныхъ Силъ Безплотныхъ; сілою Честнаго и Животворящаго Креста; честнаго и славнаго пророка, Предтечи и Крестителя Иоанна; святыхъ славныхъ и всехвальныхъ апостоловъ; святыхъ славныхъ, и добропобѣдныхъ мучениковъ; преподобныхъ и богоносныхъ отецъ нашихъ; святыхъ и исцелителей безсребренниковъ, Космы и Дамиана, Кира и Иоанна, Пантелеимона и Ермолая, Самсона и Диомида, Фотія и Аникиты; святыхъ и праведныхъ богоотецъ Иоакима и Анны, и всехъ святыхъ.

Яко Ты еси источникъ исцелений, Боже нашъ, и Тебѣ славу возсылаемъ, со Единороднымъ Твоимъ Сыномъ, и Единосущнымъ Твоимъ Духомъ, нынѣ и присно, и во вѣки вѣковъ, аминь.

На помазании припеваемъ: Услыши ны: Помилуй ны: Исцели ны: яко прежде указуяся. (стр.14)

Диаконъ: Вонмемъ. Священникъ третій: Миръ всемъ.

Чтецъ: И духови Твоему.

Диаконъ: Премудрость, вонмемъ. Прокименъ, гласъ 3: Господь Просвещеніе мое/ и Спаситель мой, когѣ убоюся?

Стихъ: Господь Защититель живота моего, от когѣ устрашуся?

Диаконъ: Премудрость. Къ коринфяномъ посланія святаго апостола Павла чтеніе. Вонмемъ:

Братіе, вы есте Тѣло Христово, и уди от части. И овы убо положи Богъ въ Цѣркви первее апостолы, второе пророки, третіе учители; потомъ же сілы, таже дарованія исцелений, заступленія, правленія, рѣди языковъ. Еда вси апостолы? Еда вси пророцы? Еда вси учители? Еда вси сілы? Еда вси дарованія имутъ исцелений? Еда вси языки глаголютъ? Еда вси сказуютъ? Ревнуйте же дарованийъ большихъ; и еще по превосхожденію путь вамъ показую. Аще языки человѣческими глаголю и

ангельскими, любвѣ же не ѿмам, бых (яко) медь звенящи, или кимвал звяцаѣй. И аще ѿмам пророчество и вем тайны вся, и весь разум, и аще ѿмам всю веру, яко и горы преставляти, любвѣ же не ѿмам, ничтоже есмь. И аще раздам вся имения моя, и аще предам тело мое, во еже сжещи е, любвѣ же не ѿмам, ни каѣ польза ми есть. Любы долго терпит, милосердствует, любы не завидит, любы не превозносится, не гордится, не безчинствует, не ищет своя си, не раздражается, не мыслит зла, не радуется о неправде, радуется же о истине; вся любит, всему веру емлет, вся уповает, вся терпит. Любы николиже отпадает.

Священник третий: Мир ти.

Диакон: И духови твоему. Премудрость, вонмем. Аллилуия, глас 2.

Аллилуия, аллилуия, аллилуия.

Стих: На Тя, Господи, уповах, да не постыжуся во век.

Диакон: Премудрость, прости, услышим святаго Евангелия.

Священник: Мир всем. **Лик:** И духови твоему.

Священник: От Матфея святаго Евангелия чтение.

Лик: Слава Тебе, Господи, слава Тебе.

Диакон: Вонмем.

Во время оно, призвав Иисус обанадесять ученики Свои, даде им власть на дусех нечистых, яко да изгонят их, и целити всяк недуг и всяку болезнь. Сия обанадесять посла Иисус, заповеда им, глаголя: на путь язык не идите, и во град самарянский не внидите. Идите же паче ко овцам погибшим дому Израилева. Ходяще же проповедуйте, глаголюще: яко приближися Царствие Небесное. Болящия исцеляйте, прокаженных очищайте, мертвых воскрешайте, бесы изгоняйте; туне прийте, туне дадите.

Лик: Слава Тебе, Господи, слава Тебе.

Таже диакон глаголет ектению: Помилуй нас, Боже:

И возглас: Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Диакон: Господу помолимся. **Лик:** Господи, помилуй.

Священник молитву:

Владыко Вседержителю, Святы́й Царю́, наказу́й и не умерщвля́й, утвержда́й низпада́ющия, и возводя́й низверженныя, телесныя скорби исправля́й челове́ков; мо́лимся Тебе́, Бо́же наш, я́ко да наведе́ши ми́лость Твою́ на еле́й сей, и на помазу́ющияся от него́ во Имя Твое́; да бу́дет им во исцелéние ду́ши же и те́ла, и во очище́ние и изменéние вся́кия стра́сти, и вся́каго недúга, и я́зи, и вся́кия сквэрны плóти и дúха. Ей, Го́споди, врачéбную Твою́ си́лу с небесе́ низпосли́, прикосни́ся телеси́, угаси́ огневи́цу, укроти́ страсть, и вся́кую нéмощь тая́щуюся. Бу́ди врач рабо́в Твои́х (имярек), воздвигни́ я от одра́ болезненнаго, и от ло́жа озлоблéния це́лы и всесовершенство́ны, да́руй я Цéркви Твое́й благоугожда́ющи и творя́щи во́лю Твою́.

Твое́ бо есть, е́же ми́ловати и спаса́ти ны, Бо́же наш: и Тебе́ сла́ву возсыла́ем, Отцу́ и Сы́ну и Свято́му Дúху, ны́не и прѣсно, и во ве́ки веко́в, ами́нь.

По молитве же третий иерей возьмет струец третий, и омочив и во святыи елей, помазует болящия, глаголя молитву:

Отче Святы́й, Врачу́ душ и телес, посла́вый Единоро́днаго Твоего́ Сы́на, Го́спода на́шего Иису́са Христа́, вся́кий недúг исцеля́ющаго, и от сме́рти избавля́ющаго, исцели́ и рабы́ Твоя́ (имярек), от обдержáщих их телесныя и душе́вныя нéмощи, и оживотвори́ их благода́тию Христа́ Твоего́; моли́твами Пресвяты́я Влады́чицы на́шея Богороди́цы, и Присноде́вы Мари́и; предста́тельствы честных Небесных Сил Безплóтных; си́лою Честна́го и Животворя́щаго Креста́; честна́го и сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апо́столов; святы́х сла́вных, и добропобéдных му́чеников; преподо́бных и богоно́сных оте́ц на́ших; святы́х и исцелите́лей безсребре́нников, Космы́ и Дамиána, Ки́ра и Иоáнна, Пантеле́имона и Ермола́я, Сампсо́на и Диоми́да, Фо́тия и Аники́ты; святы́х и пра́ведных богооте́ц Иоакима́ и Анны, и всех святы́х.

Яко Ты еси́ исто́чник исцелéний, Бо́же наш, и Тебе́ сла́ву возсыла́ем, со Единоро́дным Твои́м Сы́ном, и Единосу́щным Твои́м Дúхом, ны́не и прѣсно, и во ве́ки веко́в, ами́нь.

На помазании припеваем: Услы́ши ны: Поми́луй ны: Исцели́ ны: я́ко прежде указу́ся. (Стр.14)

Диакон: Во́ннем.

Священник четвертый: Мир всем. Чтец: И дúхови твоему́.

Диакон: Прему́дрость, во́ннем.

Диакон, прокимен, глас 4: Во́ньже áще день призову́ Тя;/ ско́ро услы́ши мя.



Стих: Гóсподи, услы́ши моли́тву мою́, и вопль мой.

Диакон: Прему́дрость. **К** коринфяном послáния свята́го апóстола Пáвла чтéние. **Вóн**мем:

Брáтие, вы естé Цérкви Бóга Жíва, я́коже рече́ Бог, я́ко вселю́ся в них и похожду́, и б́ду им Бог, и т́и б́дут Мне лю́дие. Тэмже изыд́ите от среды́ их, и отлуч́итесь, глаго́лет Господь, и нечистотé не прикаса́йтесь, и Аз прииму́ вы. И б́ду вам во Отца́, и вы б́дете Мне в сы́ны и дщ́ери, глаго́лет Господь Вседержíteль. Сицева́ у́бо иму́ще обетова́ния, о, возлю́бленнии, очисти́м себе́ от вся́кия скверны́ плóти и д́уха, творя́ще святи́ню в стра́се Бóжии.

Священник четвертый: Мир ти.

Диакон: И д́ухови твоemú. Прему́дрость, вóнмем. Аллилúя, глас 2. (Зри напев на стр.19)

Стих: Терпя́ потерпéх Гóспода, и внят ми.

Диакон: Прему́дрость, прóсти, услы́шим свята́го Евáнгелия.

Священник: Мир всем. **Лик:** И д́ухови твоemú.

Священник: От Матфе́я свята́го Евáнгелия чтéние.

Лик: Сла́ва Тебе́, Гóсподи, сла́ва Тебе́.

Диакон: Вóнмем.

Священник: Во время́ оно́, пришéд Иисус в дом Петро́в, ви́де тещу́ его́ лежа́щу, и огнем жегóму, и прикосну́ся руце́ ея́ и оста́ви ю́ огонь; и воста́, и служа́ше Ему́. Пóзде же б́вшу, приведóша к Нему́ бесны́ мно́ги и изгна́ д́ухи слóвом, и вся боля́щия исцели́. Да сб́дется речéнное Иса́ием проро́ком глаго́лющим: Той недúги на́ша прият, и болéзнии понесé. Ви́дев же Иисус мно́ги наро́ды óкрест Себе́, повелé (ученико́м) ити́ на он пол. И присту́пль еди́н кни́жник, рече́ Ему́: Учи́телю, иду́ по Тебе́, а́може а́ще и́деши. Глаго́ла ему́ Иисус: ли́си язвину́ и́мут, и пт́ицы небéсныя гнезда́; Сын же Человéческий не и́мать где главы́ подклони́ти. Други́й же от учени́к Его́ рече́ Ему́: Гóсподи, повели́ ми прéжде ити́ и погребсти́ Отца́ моего́. Иисус же рече́ ему́: гряди́ по Мне, и оста́ви мёртвых погребсти́ своя́ мертвецы́. И влэ́зшу Ему́ в корáбль, по Нем идóша ученицы́ Его́.

Лик: Сла́ва Тебе́, Гóсподи, сла́ва Тебе́.

Таже диакон глаголет ектению: Помилуй нас, Бóже:

И возглас: Яко мѣлостив и Человеколóбец Бог еси, и Тебѣ славу возсылаем, Отцу́ и Сы́ну и Свято́му Духу, ны́не и присно, и во вѣки веко́в.

Лик: Ами́нь.

Диакон: Го́споду помóлимся. **Лик:** Го́споди, помилуй.

Священник молитву:

Бла́же и Человеколóбче, благоутрóбне и многомѣлостиве Го́споди, мно́гий в мѣлости, и богáтый в благосты́ни, Отче щедро́т, и Бóже всякаго утешѣния, укрепѣвый ны святы́ми Твоѣими апóстолами, елеем с моли́твою нѣмощи люде́й целѣти; Сам и елей сей вчини́ в цельбу́ от него́ помазующимся, в пременѣние всякаго недóга, и всякѣя я́зи, во избавлѣние зол, чающим́ еже от Тебѣ спасѣния. Ей, Влады́ко, Го́споди Бóже наш, мо́лимся Ти, Всесѣ́льне, еже спасти́ вся ны, Еди́не душ же и телѣс Врачу́, освяти́ вся ны; всяк недóг исцеля́яй, исцели́ и рабы́ Твоѣя́ (имярек**), воздвѣгни я от одра́ болѣзненнаго мѣлостію Твоѣея́ бла́гости, посети́ я мѣлостію и щедро́тами Твоѣими; отжені́ от них всякую болѣзнь и нѣмошь, я́ко да воста́вше руко́ю Твоѣю крѣпкою, порабо́тают Тебѣ со всяким благодарѣнием; я́ко да и ны́не причаща́ющиеся Твоѣго́ неизглаго́ланнаго человеколóбѣя, поѣм и сла́вим Тя, творя́щаго вели́кая и чу́дная, сла́вная же и изрядная.**

Твоѣ бо есть, еже мѣловати, и спаса́ти ны, Бóже наш, и Тебѣ славу возсылаем, Отцу́ и Сы́ну и Свято́му Духу, ны́не и присно, и во вѣки веко́в, ами́нь.

По молитве же абие четвертый иерей возьмет струец четвертый и, омочив и во святы́й елей, помазует болящаго, глаголя молитву:

Отче Святы́й, Врачу́ душ и телѣс, посла́вый Единоро́днаго Твоѣго́ Сы́на, Го́спода на́шего Иису́са Христа́, всякий недóг исцеля́ющаго, и от сме́рти избавля́ющаго, исцели́ и рабы́ Твоѣя́ (имярек**), от обдержáщих их телѣсныя и душе́вныя нѣмощи, и оживотвори́ их благода́тию Христа́ Твоѣго́; моли́твами Пресвяты́я Влады́чицы на́шей Богороди́цы, и Присноде́вы Мари́и; предста́тельствы честных́ Небѣсных́ Сил Безплóтных; сілою Честна́го и Животворя́щаго Креста́; честна́го и сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апóстолов; святы́х сла́вных, и добропобѣдных́ мучеников; преподо́бных и богоно́сных отѣц на́ших; святы́х и исцелите́лей безсребренни́ков, Космы́ и Дамиána, Кі́ра и Иоáнна, Пантеле́имона и Ермола́я, Сампсо́на и Диомі́да, Фóтия и Аникі́ты; святы́х и праведных́ богооте́ц Иоакі́ма и Анны, и всех святы́х.**

Яко Ты еси́ исто́чник исцелѣний, Бóже наш, и Тебѣ славу возсылаем, со Единоро́дным Твоѣим Сы́ном, и Единосу́щным Твоѣим Духом, ны́не и присно, и во вѣки веко́в, ами́нь.

Припеваем: Услы́ши ны: **Помилуй ны:** **Исцели ны:**

Диакон: **Вонмем.**

Иерей пятый: **Мир** всем. **Чтец:** **И** ду́хови твоему́.

Диакон: **Премудрость,** вонмем.

Чтец, прокимен, глас 5: Ты, Го́споди, сохрани́ши ны, / и соблюде́ши ны от ро́да сего́, и во век.

Стих: Спаси́ мя, Го́споди, я́ко оскуде́ преподо́бный.

Диакон: **Премудрость.** **К** коринфяном послáния свята́го апóстола Па́вла чтéние. **Вонмем:**

Братие, не хошú вас не вéдети о скóрби нáшей, бýвшей нам во Аси́и, я́ко попремно́гу и пáче сýлы отяготíхомся, я́ко не надéются нам и жíti. Но сáми в себé осуждéние смéрти имéхом, да не надéющеся бýдем на ся, но на Бо́га, возставля́ющаго мéртвыя, Иже от толи́кия смéрти избáвил ны естъ, и избавля́ет; Нáньже и упова́хом, я́ко и ещé избáвит; поспешáющим и вам по нас моли́твою; да от мног лиц, éже в нас даровáние, мно́гими благодарíтся о вас.

Священник пятый: **Мир** ти.

Диакон: **И** ду́хови твоему́. **Премудрость,** вонмем. **Аллилу́ия,** глас 5. (Зри напев на стр. 16)

Стих: Мíлости Твоя́, Го́споди, в век воспою́.

Диакон: **Премудрость,** прóсти, услы́шим свята́го Евáнгелия.

Священник: **Мир** всем. **Лик:** **И** ду́хови твоему́.

Священник: От Матфе́я свята́го Евáнгелия чтéние.

Лик: Сла́ва Тебе́, Го́споди, сла́ва Тебе́.

Диакон: **Вонмем.**

Рече Господь притчу сию: уподобися Царствие Небесное десяти́м де́вам, яже прияша свети́льники своя́, и изыдо́ша в срѣтение жениху́. Пять же бе от них му́дры и пять юро́дивы. Юро́дивыя же, приѣмша свети́льники своя́, не взяша с собою́ елѣя. Му́дрыя же прияша елѣй в сосу́дех, со свети́льники свои́ми. Косня́щу же жениху́, воздрема́шася вся, и спа́ху. Полу́нощи же вопль бысть: се, жени́х грядѣт, исходите в срѣтение егó. Тогда́ воста́ша вся де́вы ты́я, и украси́ша свети́льники своя́. Юро́дивыя же му́дрым рѣша: дадите нам от елѣя ва́шего, яко свети́льницы на́ши угаса́ют. Отвеща́ша же му́дрыя, глаго́люща: еда́ како не достáнет нам и вам? Идите же па́че к продаю́щим и купите себѣ́. Иду́щим же им купити, при́иде жени́х и гото́выя внидо́ша с ним на бра́ки, и затворѣны бы́ша двѣри. Последі́ же приидо́ша и прóчія де́вы, глаго́люще: Го́споди, Го́споди, отвѣрзи нам. Он же отвеща́в, рече́ им: ами́нь глаго́лю вам, не вем вас. Бдите́ у́бо, яко не ве́сте дне, ни часа́, во́ньже Сын Человѣ́ческий при́дет.

Лик: Сла́ва Тебе́, Го́споди, сла́ва Тебе́.

Таже диакон глаголет ектению: Помилуй нас, Бо́же:

И возглас: Яко ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прі́сно, и во ве́ки веко́в.

Лик: Ами́нь.

Диакон: Го́споду помóлимся. **Лик:** Го́споди, помилуй.

Священник молитву:

Го́споди Бо́же наш, наказу́яй и па́ки исцеля́яй, воздвиза́яй от земли́ ни́ща, и от гно́ища возвыша́яй убо́гаго; сирóт Отче, и обуре́ваемых Приста́нище, и недугующих Врачу́; немо́щи на́ша неболѣ́зненно нося́й, и неду́ги на́ша приѣмля́й; в ти́хости ми́луяй, превосходя́й беззакóнныя , и изыма́яй неправды, ско́рый в по́мощь, и ко́сный во гнев; ду́нувый на Сво́я учени́ки, и рекій: приимите́ Ду́ха Свята́го; и́мже а́ще оста́вите грехи́, оста́вятся им; приѣмля́й грѣшных покая́ние, и власть имѣ́яй проща́ти грехи́ мно́гия и лю́тыя; и исцелѣ́ние подава́я всем, в немо́щи и долгонеду́жии пребыва́ющим; и́же менѣ́ смире́ннаго и грѣшнаго и недостóйнаго раба́ Твоегó, во мно́зех гресѣ́х сплетѣ́ннаго и страстьми́ сласте́й валя́ющагося, призва́вый во святы́й и превелича́йший степе́нь священства, и вни́ти во вну́треннее завѣсы, во Свята́я Святы́х, иде́же прині́кнути святіи́ а́нгели жела́ют, и слы́шати Ева́нгельский глас Го́спода Бо́га, и зрѣти самозра́чне лице́ Свята́го возноше́ния, и наслажда́тися Бо́жественныя и священныя литурги́и, сподобивый мя священноде́йствовати Пренебѣ́сныя Твоя́ Та́йны, и приноси́ти Тебе́ да́ры же и же́ртвы о на́ших гресѣ́х, и людскихъ не́вѣжествныхъ, и ходата́йствовати о словѣ́сных Твои́х овца́х, да мно́гим и неизрече́нным Твои́м Человеколю́бием прегреше́ния их очисти́ши.

Сам, Преблагій Царю, внуші моли́тву мою́ в сей час же и святы́й день, и на всякое вре́мя и ме́сто; и вонми́ гла́су моле́ния моего́, и рабом Твои́м **(имярек)**, в немо́щи душе́вной и телесной су́щим исцеле́ние да́руй, пода́я им оставле́ние грехо́в, и проще́ние согреше́ний, во́льных же и нево́льных; уврачу́й их я́звы неисце́льныя, всякий же недуг, и всяку́ я́зю, да́руй им душе́вное исцеле́ние. Прикосну́вься те́щи Петро́ве, и оста́ви ю́ огне́вица, и воста́ и служа́ше Тебе́; Сам Влады́ко, и рабо́м Твои́м **(имярек)** пода́ждь врачевáние, и премене́ние всякия тлетво́рныя болéзни, и помяни́ богáтыя Тво́я щедро́ты, и ми́лость Твою́. Помяни́, я́ко приле́жно належи́т помышле́ние челове́ка на лука́вая от ю́ности его́, и ни еди́н обрета́ется безгре́шен на землі; Ты бо Еди́н кромé греха́ еси́, пришéдый и спасы́й челове́ческий род, и свободи́вый нас от рабо́ты вра́жия. Аще бо в суд вни́деши с рабы́ Твои́ми, никто́же обря́щется чист от скверны́; но всякая уста́ заградя́тся, не иму́щая что отвещáти, занé я́коже руб повер́женный, всякая пра́вда на́ша пред Тобо́ю. Сего́ ра́ди грехи́ ю́ности на́шей не помяни́, Го́споди; Ты бо еси́ наде́жда ненаде́ющихся, и упоко́ение тружда́ющихся, и обремене́нных в беззакóнных, и Тебе́ сла́ву возсыла́ем, со Безнача́льным Твои́м Отце́м, и Пресвяты́м, и Благи́м, и Животворя́щим Твои́м Ду́хом, ны́не и прісно и во ве́ки веко́в, ами́нь.

По молитве же абие пятый священник возьмет струец пятый и, омочив и во святой елей, помазует болящих, глаголя молитву:

Отче Святы́й, Врачу́ душ и телес, посла́вь Еди́нороднаго Твоего́ Сы́на, Го́спода на́шего Иису́са Христа́, всякий недуг исцеля́ющаго, и от сме́рти избавля́ющаго, исцели́ и рабы́ Тво́я **(имярек), от обдержа́щих их телесныя и душе́вныя немо́щи, и оживотвори́ их благода́тию Христа́ Твоего́; моли́твами Пресвяты́я Влады́чицы на́шей Богороди́цы, и Присноде́вы Мари́и; предста́тельствы честны́х Небе́сных Сил Безплóтных; си́лою Честна́го и Животворя́щаго Креста́; честна́го и сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апо́столов; святы́х сла́вных, и добропобéдных му́чеников; преподо́бных и богоно́сных оте́ц на́ших; святы́х и исцелите́лей безсребре́нников, Космы́ и Дамиána, Ки́ра и Иоáнна, Пантелеймо́на и Ермола́я, Сампсо́на и Диомі́да, Фо́тия и Аникі́ты; святы́х и пра́ведных богооте́ц Иоаки́ма и Анны, и всех святы́х.**

Яко Ты еси́ исто́чник исцелений, Бо́же наш, и Тебе́ сла́ву возсыла́ем, со Еди́нородным Твои́м Сы́ном, и Единосу́щным Твои́м Ду́хом, ны́не и прісно, и во ве́ки веко́в, ами́нь.

Припеваем: Услы́ши ны: Помі́луй ны: Исцели́ ны:

Диакон: Во́ннем.

Священник шестый: Мир всем. **Чтец:** И ду́хови твоему́.

Диакон: Премудрость, вонмем.

Чтец: Прокимен, глас 6: Помилуй мя, Бóже, / по велицей милости Твоей.

Помилуй мя, Бóже, по ве-ли-цей, по ве-ли-цей ми-лос-ти Тво-ей.

Стих: Сёрдце чисто созижди во мне, Бóже, и дух прав обнови во утробе моей.

Диакон: Премудрость. К галатом послания святого апостола Павла чтение. Вонмем:

34
213

Братие, плод духовный есть любви, радость, мир, долготерпение, благодать, милосердие, вера, кротость, воздержание; на таких несть закона. А иже Христовы суть, плоть распяша со страстьми и похотьми. Аще живём духом, духом и да ходим. Не бываем тщеславни, друг друга раздражающе, друг другу завидяще. Братие, аще и впадёт человек в некое прегрешение, вы духовнии исправляйте такового духом кротости; блюдыи себе, да не и ты искушен будеши. Друг друга тяготы носите, и тако исполните закон Христов.

Священник шестый: Мир ти.

Диакон: И духови твоему. Премудрость, вонмем. Аллилуия, глас 6.

Аллилуия, ал-ли-лу-и-я, ал-ли-лу-и-я.

Стих: Блажен муж бойся Господа, в заповедех Его восхощет зело.

Диакон: Премудрость, прости, услышим святого Евангелия.

Священник: Мир всем. **Лик:** И духови твоему.

Священник: От Матфея святого Евангелия чтение.

Лик: Слава Тебе, Господи, слава Тебе.

Диакон: Вонмем.

Во время оно, вниде Иисус во страны Тирския и Сидонския. И се, жена Хананейска от предел тех изшедши, возопи к Немю, глаголющи: помилуй мя, Господи, Сыне Давидов: дщи моя зле беснуется.

34
62

Он же не отвещá ей словесé. И пристúплше ученицы́ Егó, моля́ху Егó, глагóлюще: отпусти́ ю, я́ко вопиéт в след нас. Он же отвещáв речé: несмы́ по́слан, то́кмо ко овца́м погíбшим до́му Израíлева. Она́ же пришéдши поклонíся Емú, глагóлющи: Гóсподи, помози́ ми. Он же отвещáв речé: несть добро́ отъя́ти хлéба ча́дом, и поврещи́ псом. Она́ же речé: ей, Гóсподи, и́бо и пси ядят от крупи́ц, па́дающих от трапéзы господéй свои́х. Тогда́ отвещáв Иисúс, речé ей: о, жéно, вéлия вéра твоя́; бúди тебе́, я́коже хóщеши. И исцелé дщи ея́ от того́ часа́.

Лик: Сла́ва Тебе́, Гóсподи, сла́ва Тебе́.

Таже диакон глаголет ектению: Помíлуй нас, Бóже:

И возглас: Я́ко мíлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно, и во вéки веко́в.

Лик: АМÍНЬ.

Диакон: Гóсподу помóлимся. **Лик:** Гóсподи, помíлуй.

Священник молитву:

Благодарíм Тя, Гóсподи Бóже наш, благíй Человеколю́бче, и Врачу́ душ и телéс на́ших, недúги на́ша неболезненно нося́й, Егóже я́звою вси исцелéхом; Па́стырю до́брый, на взыска́ние пришéдый заблúждшаго овча́те; малодúшным дая́й утешéние, и живóт сокрушéнным; истóчник кровото́чивыя дванадесятилéтен бýвший исцели́вый; дщерь Хананéину от лю́таго дéмона свободíвый; долг дарова́вый двема́ должникóма, и грéшной женé оставлéние да́вый; исцелéние разсла́бленному дарова́вый, со оставлéнием грехóв егó; мытаря́ слóвом оправда́вый, и разбо́йника в последнем егó исповéдании приéмый; грехи́ мíра взéмый, и на Крестé пригвоздíвый; Тебе́ мо́лимся и Тебе́ про́сим, в бла́гости Твоéй, Сам осла́би, оста́ви, прости́, Бóже, беззакóния, и грехи́ рабо́в Твои́х (**имярек**), согрешéния их вóльная и невóльная, я́же в вéдении и не в вéдении, я́же в преступлéнии, и в преслу́шании, я́же в но́щи и во дни; или́ в кля́тве священни́честей, или́ óтчи, или́ ма́терни бысть; или́ очíма воззрéнием, или́ вéждама помава́нием; или́ прилежа́нием любодéйства, или́ вкуше́нием блуда́; или́ в ко́емлюбо движе́нии плóти и ду́ха, отчужди́ся хотéния Твоегó, и Твоея́ Святы́ни. Аще же согрешíша те́же, и мы, я́ко благ и непамятозлóбивый Бог и Человеколю́бец прости́, не оставля́я егó и нас в сквэрное житиé впа́сти, ниже́ в па́губныя пути́ тещи́. Ей, Влады́ко, Гóсподи, услы́ши мя грéшнаго в час сей за рабо́в Твои́х (**имярек**), и прéзри я́ко непамятозлóбивый Бог согрешéния их вся; свободи́ я от вéчныя мýки; уста́ их Твоегó хвалéния испóлни; устне́ их отвéрзи к славослóвию Имене Твоегó; рúце их простри́ к дéланию за́поведей Твои́х; нóзе их к течéнию благовествова́ния Твоегó исправи́; вся их у́ды и мы́сли Твоею́ укрепля́я благодáтию. Ты бо еси́ Бог наш, святы́ми Твоими́ апóстолы запове́давый нам, глаго́ля: елика́ а́ще свяжете́ на земли́, бúдут связа́на на небесéх; и елика́

аще разрешите на земли, будут разрешена на небесех. И паки: ихже аще оставите грехи, оставятся им, ихже аще держите, удержатся. И якоже услышал еси Езекию в скорби души его, в час смерти его, и не презрел еси моления его; такожде и мене смиренного и грешного и недостойного раба Твоего услыши в час сей. Ты бо еси, Господи Иисусе Христе, седмдесят крат седмерицею оставляти падающим в грехи повелевый, Твоею благодатию и Человеколюбием; и кайся о злобах наших, и радуяся о обращении заблужденных; зане яко величество Твое, тако и милость Твоя; и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков, аминь.

По молитве же абие шестый священник возьмет струец шестый и, омочив и во святой елей, помазует болящих, глаголя молитву:

Отче Святыи, Врачу душ и телес, пославый Единородного Твоего Сына, Господа нашего Иисуса Христа, всякий недуг исцеляющего, и от смерти избавляющего, исцели и рабы Твоя (имярек), от обдержавших их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсеребренников, Космы и Дамиана, Кира и Иоанна, Пантелеимона и Ермолая, Сампсона и Диомида, Фотия и Аникиты; святых и праведных богоотец Иоакима и Анны, и всех святых.

Яко Ты еси источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

Припеваем: Услыши ны: Помилуй ны: Исцели ны:

Диакон: Вонмем.

Священник седмый: Мир всем. Чтец: И духови твоему.

Диакон: Премудрость, вонмем.

Чтец: Прокимен, глас 7. Господи, да не яростию Твоею обличиши мене, / ниже гневом Твоим накажеша мене.

Гос - по - ди, да не яростию Твоею о - бли - чи - ши ме - не,



Стих: Помілуй мя, Гóсподи, я́ко немо́щен есмь.

Диакон: Премудрость. **К** солуняном послания святаго апостола Пávла чтéние. **В**онмем:

Братие, мо́лим вы: вразумля́йте безчи́нныя, утеша́йте малоду́шныя, заступа́йте немощны́я, долготерпи́те ко всем. Блюди́те, да никто́же зла за зло кому́ возда́ст; но всегда́ до́брое гоните, и друг ко дру́гу, и ко всем. Всегда́ ра́дуйтесь; непреста́нно моли́тесь; о всем благодарите; сия́ бо есть во́ля Бо́жия о Христé Иисусе в вас. Ду́ха не угаша́йте, проро́чества не уничижа́йте. Вся же искуша́юще, до́брая держите. От вся́кия ве́щи злы́я отгребай́тесь. Сам же Бог ми́ра да освятит вы все-совершенство́ны о всем, и всесовершенство́н ваш дух, и душа́, и те́ло непоро́чно, в пришéствии Гóспода на́шего Иисуса Христа́ да сохрани́тся.

Священник седмый: Мир ти.

Диакон: И ду́хови твоему́. Премудрость, вонмем. **Аллилу́ия,** глас 7.



Стих: Услы́шит тя Госпо́дь в день печа́ли, защи́тит тя Имя Бо́га Иа́ковля.

Диакон: Премудрость, прóсти, услы́шим святаго Ева́нгелия.

Священник: Мир всем. **Лик:** И ду́хови твоему́.

Священник: От Матфе́я святаго Ева́нгелия чтéние.

Лик: Сла́ва Тебе́, Гóсподи, сла́ва Тебе́.

Диакон: Вонмем.

Священник: Во вре́мя оно́, преходя́ Иисус, ви́де челове́ка сидя́ща на мы́тнице, Матфе́я глаго́лема, и глаго́ла ему́: по Мне гряди́. И воста́в по Нем иде́. И бысть Ему́ возлежа́щу в дому́, и се, мно́зи мытари́ и грéшницы пришéдше возлежа́ху со Иисусом, и со ученики́ Его́.

И видевше фарисее, глаголаху учеником Его: почто с мытаря и грешники Учитель ваш яст и пьет? Иисус же слышав, рече им: не требуют здравии врача, но болящии; шедше же научитесь, что есть: милости хочу, а не жертвы; не приидох бо призвати праведники, но грешники на покаяние.

Лик: Слава Тебе, Господи, слава Тебе.

Таже диакон глаголет ектению: Помилуй нас, Боже:

И возглас: Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Диакон: Господу помолимся. **Лик:** Господи, помилуй.

Священник молитву сию:

Владыко Господи Боже наш, Врачу душ и телес, временныя страсти уврачевавый, исцеляяй всяк недуг и всякую язю в людех, хотяй всем человеком спастися, и в познание истины прийти, не хотяй смерти грешника, но яко обратится, и живу быти ему. Ты бо, Господи, в Ветхом Завете положил еси покаяние грешным, Давиду, и Ниневитяном, и прежде тех бывшим; но и во пришествии плотскаго Твоего смотрения, не призвал еси праведныя, но грешныя в покаяние; якоже мытаря, якоже блудницу, разбойника, и хульнаго гонителя, великаго Павла покаянием приемыи. Петра верховнаго и апостола Твоего, отвергшагося Тебе трижды, покаянием приял еси, и обещал еси ему, глаголя: ты еси Петр, и на сем камени созижду Церковь Мою, и врата ада не одолеют ей, и дам тебе ключи Царствия Небеснаго. Сего ради и мы, Блаже и Человеколюбче, по неложным Твоим обещанием дерзающе, молимся Тебе, и просим в час сей: услыши моление наше, и прими е, якоже кадило приносимое Тебе, и посети рабы Твоя (имярек), и аще что согрешиша словом, или делом, или помышлением, или в нощи, или во дни; или под клятву священническую, или своему проклятию подпавша; или клятвою огорчашася, и прокляша себе; Тебе просим, и Тебе молимся, остави, прости им, Боже, презирая беззакония их и грехи, и яже в ведении и не в ведении бывшия от них. И аще что от заповедей Твоих преступиша, или согрешиша, яко плоть носяще, и в мире живуще, или от действия диавольскаго; Сам, яко благ и Человеколюбец Бог прости; яко несть человека, иже поживет, и не согрешит. Ты бо Един еси безгрешен; правда Твоя правда в век и слово Твое истина. Не бо создал еси человека в погибель, но в снабдение заповедей Твоих, и живота нетленного наследие: и Тебе славу возсылаем, со Отцем и Святым Духом, ныне и присно и во веки веков, аминь.

По молитве же абие седмый иерей возьмет струец седмый и, омочив и во святыи елей, помазует болящаго, глаголя молитву:

Отче Святыи, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго, и от смерти избавляющаго, исцели и рабы Твоя (имярек), от обдержавших их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсеребренников, Космы и Дамиана, Кира и Иоанна, Пантелеимона и Ермолая, Самсона и Диомиды, Фотия и Аникиты; святых и праведных богоотцев Иоакима и Анны, и всех святых.

Яко Ты еси источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

И паки: Услыши ны: Помилуй ны: Исцели ны:

По скончании же сего людие, приемлющие елеосвящение, входят посреде священников. Настоятель же возьмет святое Евангелие, и разгнув е, возлагает писмены на главах их, придерживающим всем священником. Начальствуяй же не возлагает руку, но велегласно глаголет молитву сию:

Царю Святыи, благоутробне и многомилостиве Господи Иисусе Христе, Сыне и Слове Бога Живаго, не хотяи смерти грешнаго, но яко обратиши, и живу быти ему; не полагаю руку мою грешную на главы пришедших к Тебе во гресех, и просящих у Тебе нами оставление грехов; но Твою руку крепкую и сильную, яже во святем Евангелии сем, еже сослужители мои держат на главах рабов Твоих (имярек), и молюся с ними, и прошу милостивное и непамятозлобное Человеколюбие Твое, Боже, Спасителю наш, пророком Твоим Нафаном, покаившемуся Давиду о своих согрешениях оставление даровавый, и Манассию еже о покаянии молитву приемыи; Сам и рабы Твоя (имярек), кающиеся о своих согрешениях, прими обычным Твоим Человеколюбием, презираяи вся их прегрешения. Ты бо еси Бог наш, Иже и седмьдесят крат седмерицею оставляти повелевый, падающим в грехи; зане яко величество Твое, тако и милость Твоя, и Тебе подобает всякая слава, честь и поклонение, ныне и присно, и во веки веков, аминь.

Снемше же Евангелие с глав, дают людем целовати е.

Последование

Таже диакон глаголет ектению: Помилуй нас, Бóже:

И возглас: Яко мѣлостив и Человеколóбец Бог еси, и Тебѣ славу возсылаем, Отцу и Сыну и Святому Духу, ныне и присно, и во веки веков.

Лик: АМИНЬ.

Таже поют: Слава: самогласен, глас 4:

Истóчник исцелений имуще святѣи безсребреницы, / исцеления подаваете всем требующим, / яко превелиих дарований сподобльшиися / от приснотекущаго Источника Спаса нашего. / Глаголет бо к вам Господь, / яко единоревнителем апостольским: / се дах вам власть на духи нечистыя, / якоже тех изгонити, / и целити всяк недуг, и всяку язю; / темже в повелениях Его добре жительствовавшие, / туне приясте, туне подаваете, // исцеляюще страсти душ и телес наших.

И ныне, глас тойже:

Призри на моления Твоих раб, Всенепорочная, / утоляющи лютаая на ны востания, / всякия скорби нас изменяющи; / Ты бо Едину твердое и известное утверждение имамы, / и Твое предстательство стяжахом, / да не постыдимся, Владычице, Ты призывающи. / Потщися на умоление, Тебе верно вопиющих: / радуйся, Владычице, / всех помощи, радости и покрове, // и спасение душ наших.

Посем, лик: Слава, и ныне: Гóсподи, помилуй. (Трижды) Благослови.

И отпуст:

Христос, истинный Бог наш, молитвами Пречистыя Своея Матере; силою Честнаго и Животворящаго Креста; святаго славнаго и всехвальнаго апостола Иакова, и перваго архиереа Иерусалимскаго, брата Божия, и всех святых, спасет и помилует нас, яко благ и Человеколóбец.

Лик: Гóсподи, помилуй. (Трижды)

И полагает поклон каждый приемый елеосвящение, глаголя:

Благословите, отцы святѣи, простите мя грешнаго (-ую). (Трижды).

И прим от них благословение и прощение, отходит, благодаря Бога.